

USK

Fikret Abdić: Izudin Saračević me molio da ga zadržim na vlasti!

Autor *Selma Kurtović* 15.07.2016 23:07 · [USK Komentari](#)

Za portal našeg Radio stanice, ekskluzivno nakon dugo vremena, u razgovoru sa našim novinarom Fikret Abdić. VK: Gospodine Abdić, prvo hvala Vam što ste u kratkom roku pristali odgovarati na naša...



Za portal našeg Radio stanice, ekskluzivno nakon dugo vremena, u razgovoru sa našim novinarom Fikret Abdić.

VK: Gospodine Abdić, prvo hvala Vam što ste u kratkom roku pristali odgovarati na naša pitanja i što ste odvojili svoje cijenjeno vrijeme. Cilj našeg intervjuja je odgovoriti na neka pitanja iz bliske nam prošlosti, dotaknuti se trenutne političke situacije u BiH i u Vašoj Krajini, planovima za izbore 2016, te svim nedaćama koje su zadesile običnog čovjeka?

Abdić: U cilju kvalitetnog informisanja javnosti, odgovarat ću na vaša pitanja. I još jedanput, hvala Vama što ste odlučili razgovarati sa mnom, jer danas mnogi mediji to izbjegavaju.

VK: Gospodine Abdić, šta Vam najviše nedostaje?

Abdić: Bicu potpuno iskren i reći Vam da najviše u životu mi nedostaje moj kraj, moja rodna gruda, ljudi i na kraju Agrokomerc. Pitat ćete me otkud Agrokomerc na listi, a ja ću vam odmah reći da zato jer Agrokomerc je moj život, moj san. Agrokomerc je moje čedo, moje čudo.

VK: Ipak zasluge za stvaranje Agrokomerca ne pripadaju samo Vama? Neupitna je uloga braće Pozderac, bez kojih Vi sigurno ne bi uspjeli?

Abdić: Hamdija, ali ponajviše Hakija Pozderac su imali neznatnu ulogu u stvaranju Agrokomeca. Oni su, da kažem, bili više smetnja njegovom razvoju. Nespretno se uloga stvaralaca Agrokomerca godinama pripisivala njima. Ja sam stvorio Agrokomerc, skupa sa svojom porodicom i naravno ljudima koji su u njemu djelovali i bili mi podrška.

VK: Interesantno. Nego, na izborima 1990. osvojili ste najviše glasova u BiH? Bili u Predsjednistvu BiH, kasnije stvorili paradržavu AP ZB... Sta zamjerate Izetbegoviću?

Abdić: Aliji sam uvijek zamjerao želju za stvaranjem Islamske BiH, koja bi bila namijenjena samo njemu i njegovoj porodici i osuđenicima iz procesa Mladim Muslimanima.

VK: Ispravite nas ako griješimo ali upravo takvom Aliji ali prepustili ste poziciju prvog u Predsjednistvu tadašnje BIH?

Abdić: Taj potez je od mene bio iznuđen ucjenama i prijetnjama. Sad ne bih više o tome. Pisem knjigu pa cu u knjizi iznijeti sve detalje. Uglavnom, uvijek sam bio protiv Alije i njegove tadašnje težnje da nam se u BiH dovodi terorizam.

VK: Vratimo se malo na krajišku politicku scenu. Izbori 2016. Jeste li kandidat za načelnika općine Velika Kladuša. Kako gledate na reakcije građana lojalnih RBiH i 5. Korpusu.

Abdić: Laburisti BiH su me kandidirali za to mjesto. Narod će odlučiti. Ako opet neko ne bi spriječio moju kandidaturu pod krinkom ratnog zločinca.

VK: Oprostite, ali Vi jeste čovjek osuđen za ratni zločin? Kako se Vi osjećate u toj ulozi nakon više od 15 godina? Da li bi ste nešto promijenili ili uradili nešto drugačije? Ipak stradalo je više od 3000 ljudi, više nego sa VRS?

Abdić: Sta da Vam na to kazem, ratnobstanje je takvo i u ratu ljudi ginu. Da li je u pitanju 3, 300, 3000 ili 30 000, to uopće nije važno. Važni su rezultati. U bitkama Drugog rata znalo je samo za jedan dan izginuti toliko. I opet kažem, Alija je kriv za smrt tih ljudi. Pa zna se da je cijela Komanda 5. Korpusa bila za AP ZB. Drešković je htio poziciju prvog čovjeka, ali u APZB nije bilo vojske nego policija, a pozicija ministra bila je data Irfanu Saračeviću Žili. Drešković to nije mogao podnijeti. Da li bih nešto postupio drugačije? U nijansama da, u principu ne. Republika ZB je težnja žitelja Krajine i do nje će doći kad Srbi dobiju svoju, a Hrvati svoju državu u okviru BiH.

VK: Govorimo o bratu premijera USK Izudina Saračevića?

Abdic: Da. Pa i sam Izudin je nedavno, valjda osjetivši da će iza njegova smjena tražio prijem kod mene i pokušao me uvjeriti da ga zadržimo preko Laburista u vlasti kao i prije kada je pokušavao uvjeriti da bi baš on bio bolje rješenje od Žile i Drekovića. Prije, rekao mi je da tim potezom rješavam se obojice. I ne samo on, većina članova i komandanata Korpusa mi se nudila. Želim i da javnost Unsko-sanskog kantona zna da sam donedavno bio u svakodnevnim kontaktima sa Izudinom Saracevicem, i nastojao sam ga posavjetovati po nekim stvarima, sa moje tačke gledišta.

VK: Na zadnjoj sjednici Skupštine USK-a, Laburisti su podržali smjenu Vlade Izudina Saracevica i formiranje manjinske Vlade SDA-SBB?

Abdic: To su unutrašnja pitanja i previranja unutar SDA i Radončićevog SBB. Laburisti nisu dio vlasti. DNZ i Rifat Dolić se jesu prodali njima zarad Dolićevog mjesta direktora nekog zavoda. Ponavljam, iako me je doslovno Saračević nekolicinu puta molio da ga zadržim na poziciji premijera USK i nudio sve i svasta, smatrao sam radi građana, a to smatram i danas, da je najbolje da ode sa vlasti, jer svi izvještaji govore protiv njega. Naposlje, mi imamo dobre odnose sa Seadom Kadićem preko Galijaševića. Njih trojica su shvatili da je koncept Alije Izetbegovića propao, da treba jačati Zapadnu Bosnu i najviše su nam obećali pomoći. Naravno, shvatam i da moraju javno izaći protiv mene, ali i da je to samo za javnost.

VK:Gospodine Abdiću, pišete knjigu?

Da. Pišem knjigu koja će dosta toga otkriti, te vjerujem da će biti citana u Krajini. Nastojat ću, ukoliko bude moguće, da bude potpuno besplatna, kako bi svekoliku javnost upoznao sa pravim stavovima Fikreta Abdica.

Izvor: S.B/Vknet